


## Organigramme

Organigramme wiest op bildhaftige Aart Strukturen un Hierarchien, avers ok Tied-Aflööp. Se warrt faken in de Profeschoon insett orr in anner Berieken, 'neem en Koppel Lü sik un ehr Arbeit organisieren will.

### Handmaakt

Wi wüllt us en lüttes Afloopdiagramm mit de Hülp vun AutoFoorms maken. So as in düt Bild schall dat amenn utsehn. Fragen sünd jümmers in Ellipsen, Feststellungen in Rechtecke inbuut – Se köönt dat avers ok anners maken.



Das Gerät ist kaputt


Fangt Se baven an un maakt Se eerstmal in alle Seelenroh de ersten Boxen. Zentreert Se den Text.

Nu wüllt wi beed verbinnen. Avers nich dör en simplen Standard-Piel! Wi wüllt en elastischen Hoochqualitätäatpiel hebben. Den kriggt Se ünner


Hast du dran rumgefingerd?

*De ersten twee Boxen*

de AutoFoorms in de Palett **Verbindungen**. Wählt Se dor de **Gerade Verbindung mit Pfeil**.




Tekent Se den Piel in. Se seht, dat bi't Ansetten vun den Piel an't Rechteck in an de Ellipse blage Kontaktpunkt vörtüüg kaamt. De Piel kann bloots an so en Punkt ansetten un ok bloots an so en Punkt ennen! Dordör hett he ok jümmers nau de richtige Längde.




*De oplüchen blaagen Püknst wiest de Steden, 'neem de Verbinning anknüppen kann*

In'n markeerten Tostand hett de Piel rode Kullern an de Enden. Wow!




Un woto dat Ganze? Ha, test Se nu mal de Elastizität! Faat Se de Ellipse an un treckt Se ehr weg. – De Piel blifft an sin Kontaktpunkt haften un dehnt sik! Dat wöör en normalen Piel nienich maken. De wöör dor stuur stahn blieven un seggen „Wat geiht mi de Ellipse an?“




*De Verbinning is markeert: Rode Kullern wiest de Anknüpppüknst*

*Düsse Piel maakt allens mit!*



Nu tekent Se wieder, de neegsten twee Textboxen.

Wedder wüllt wi ehr mit so en Verbinning verbinnen. Düsse Verbinningen warrt wi in Tokumst anduern bruken! Dor lohnt dat, de Palett aftorieten, as Se dat op Siet 71 lehrst hebbt.




Ut de frie sweven Palett wählt Se nu de **Gewinkelte Verbindung mit Pfeil**.




Gewinkelte Verbindung mit Pfeil


Mit beten Muusgymnastik sett Se nu de Verbinnung twüschen twee Objekte. Wedder lücht de blagen Kontaktpükt op.




Bi't Fertigstellen sünd de roten Kullern wedder to sehn.



Beschrift Se nu de Verbinnung mit en randlosen, transparenten Textfeld.



Sett Se denn noch en **Gerade Verbindung mit Pfeil** na de neegste Textbox. – Nu maakt Se wedder den Gummiband-Test: Treckt Se an een vun de Textboxen! Se seht, de ganze Kraam dehnt un stukt sik mit, as dat jüst nötig is.




**Weest se man drook bi't Trecken! De Verbinnung ritt nich af!**

Maakt Se nu den Rest vun dat Diagramm in'n Rohbuu trecht. De Fiensliff kümmt glieks.

## Verbinnung verännern


Wenn Se mit den Platz vun en Verbinnung nich tofreden sünd, köönt Se ehr licht en anner Steed geven.

- Markeert Se de Verbinnung (rode Kullern sünd to sehn) un wiest Se op en Enn, dat de Muuswieser to'n Fademkrüüz warrt.
- Nu faat Se dat Enn an un treckt. An dat Objekt, 'neem dat an kleevt, lücht foorts alle Kontaktpüñkt op.



**Verbinnung ümsetzen:  
De Kontaktpüñkt lücht op**

- Laat Se de Verbinnung dor falln, 'neem Se ehr hebben wüllt.





- Eventuell kriggt Se nu een orr stückerwat mehr geele Rauten, mit de Se de Verbinnung gestalten köönt. Se köönt an trecken.




**An de Raute trecken:  
Düssen Bagen nich so hooch bitte!**

Je mehr Knicks de Verbinnung hett, je mehr geele Rauten tööv't op Se.



**Mit twee Knicks kriggt Se ok twee geele Rauten**

Se köönt de Verbinnung dör entslaten Trecken ok vun een Objekt afrieten un an en anner anheften. Se köönt ehr sogoor in'n lerrigen Ruum hängen laten – avers dat hett se gor nich geern, dor kriggt se ganz gröne Endpüñkt vun.




**Düsse Verbinnung weet nich, woneem se henhöört!**

Leider knüpft Verbindungen nich an anner Verbindungen an. Dat weer doch kaptaal, wenn een en Verbindung t.B. an de geele Raute vun en anner Verbindung fastmaken kunn... geht leider nich.

En Verbindungslinie to löschen, markeert Se ehr un drückt de **Entf**-Tast, as Se dat wennt sünd.

## Linie formateern

Natüürlich köönt Se de Verbindungslinie en Klöör, en Dickde un en Stil towiesen as jede annere Linie ok!




*Ok pünkt'te Verbindungslinien riet nienich!*

Mit düsse Techniken köönt Se dat Afloopdiagramm lichthannig hinkriegen! Wenn Se wüllt, köönt Se ja ok mal de swungenen Verbindungen utprobeern. Dorna sluut Se de afreten Verbindungspalett einfach mit dat lütte Krüz rechterhand baven.

## Öven


Versöök Se doch ok mal Organigramme, in de Se Blockpiel un Foorms ut de Palett **Flussdiagramm** inbuut! In dat Diagramm hier in't Bild is en Blockpiel un en Banner inbuut.

*Meddewiel hebbt ok wi Protestanten kapeert, woans dat aflöppt!*




## Organigramme per Assistent




Mit den Knoop  köönt Se en lüttes Organigramm-Programm ansieten, dat wi hier bloots kort besnacken wüllt. (Wenn dat Programm nicht apengeiht, woor dat bi de Installaschoon nich mit installeert. Se köönt dat eventuell na-installeern, wenn Se de Programm-CD praat hebbt. Doot Se ehr in't Loopwark un versöök Se, alleen klaartokamen – dat wöör hier to lang wann.)

En lütt Utwahlfenster **Diagrammsammlung** geht op, 'neem wi hier glieks den ersten Typ anklicken wüllt, denn **OK**.

*De Dialog Diagrammsammlung*




Nu kriggt Se en Standard-Organigramm vörsett, dat fertige Textfelder to'n Utfülln hett. Tippt Se in de Textfelder Naams orr Funkschoonen in.



So kann uns Firmen-Hierarchie nich blieven. Mehr Personal mutt her. Markeert Se de „Chefin“ un söökt Se de lütte Symboolliest **Organigramm**, de sik jichenswo op den Billschirm rümmerdrieven schull. Dor wählt Se ut dat eerste Listenfeld **Form einfügen** den **Assistenten** ut.



Swupps hett de Chefin en Assi kregen. Beschrift Se em. Se köönt de Schrift in de enkelten Textfelder natüürlich so formateern, as Se dat wenn't sünd. Tosätzlich wüllt wi op de nedderste Ebene en **Kollegin** infögen – oder glieks vele, dor freit sik de Arbeitslosen, de de Jobs kriggt!

Versöökt Se nu maal an't Listenfeld **Layout** op de Symboolliest **Organigramm** to dreihn. Dat kann sünnlicher denn wichtig ween, wenn de Platz knapp is – denn de Textfelder kannst hier nich mehr frie verschuven!




*Dat Layout ännert den ganzen Charakter vun't Organigramm*

Mit den lütten **AutoFormat**-Knoop kriggt Se de Möglichkeit, dat ganze Organigramm en anner Kledaasch övertosmieten – heel praktisch un en godes Speeltüch. Forscht Se sülven beten rüm!



*AutoFormat: Wa weer dat mit en dezenten Klöör-Verloop för alle Boxen?*

Wüllt Se en ganze Ebene löschen, kopeern usw., denn markeert Se ehr mit Hülp vun't Listenfeld **Markieren**. Dorna köönt Se en Ebene t.B. mit de **Entf**-Tast löschen.



*Alle lütten Krauter opmaal markeern: een anklicken, denn dat hier wählen*

Leider kannst vun Hand hier bloots ganz wenig Formate instelln, de Spaaß dorbi is man minn. De Organigramm-Assistent is allthoop en unhannig Warktüch, uns sülven tekente Saken sünd doch schöner.